



O ganlyniad i'r achos Covid-19, cytunwyd i beidio ag agor cyfarfodydd y bwrdd i'r cyhoedd ar gyfer y dyfodol rhagweladwy, felly cyhoeddir crynodeb o'r cyfarfod gan amlinellu beth a drafodwyd.

Briff Bwrdd at gyfer y Cyfarfod a gynhaliwyd am 10.15am ar 28 Mai 2020

Croeso
Croesawodd y cadeirydd bawb i'r cyfarfod, yn benodol Keith Lloyd, sydd wedi ymuno â'r bwrdd fel aelod annibynnol y brifysgol, a Ateve Spill fel y cynghorwr arbennig ar gyfer perfformiad a chyllid.
Datganiadau o Fuddiant
Nid oedd datganiadau o fuddiant.
Munudau'r Cyfarfod Blaenorol
Cymeradwywyd munudau'r cyfarfod a gynhaliwyd ar 30 Ebrill 2020.
Materion sy'n Codi
Ni chodwyd unrhyw faterion.
Cofnod Gweithredu
Nodwyd y cofnod gweithredu.
Diweddariad Covid-19
Amlygwyd y pwyntiau canlynol: (i) <u>Diweddariad Cyffredinol</u> - Talwyd teyrnged i waith caled y staff wrth ymateb i'r pandemig yn ogystal â'r cydweithwyr hynny a gollwyd; - Parhaodd strwythur reoli efydd, arian ac aur yn eu lle ond gyda rhai trefniadau ar raddfa lai i adlewyrchu'r lleihad yn y pwysedd uniongyrchol; - Roedd rhai gwasanaethau sydd heb wneud â Covid-19 yn ailddechrau ond gyda chynlluniau yn y cefndir rhag ofn bod ail don o heintiau a phwyntiau wedi eu hadnabod; - Roedd rhaglen yn ei le ar gyfer profi o fewn cartrefi gofal;

- Roedd y sefyllfa cyfarpar diogelu personol yn sefydlog gyda digon o stoc ar bob safle ar gyfer 48 awr, gan fod angen ei wisgo yn awr i drin bob claf;
- Byddai pellhau cymdeithasol yn lleihau'r gyfradd pryd gall staff ddychwelyd i'r gwaith a byddai angen ystyried systemau rota ochr yn ochr â pharhau gweithio o gartref.
- Dyroddwyd asesiad risg Llywodraeth Cymru ar gyfer staff BAME Cymru. Mae'r bwrdd iechyd wedi cyfrannu at ei ddatblygiad, ac felly fe gymerwyd ffactorau risg eraill i mewn i ystyriaeth megis pwysau, oedran a chyflyrau tanategol, a gall bob un ohonynt beri risg i'r staff.

(ii) Profi, Orlhain ac Amddiffyn

- Roedd profi, olrhain ac amddiffyn i fod i fynd yn fyw ar 1 Mehefin 2020;
- Mae Llywodraeth Cymru wedi cynghori y byddai angen cwblhau tua 10,000 o brofion y dydd, a chyfran y bwrdd iechyd fyddai 1,277, rhif y gallwn nid yn unig gyflawni, ond roedd ganddo hefyd y potensial i ragori arno os yr estynnwyd oriau'r unedau profi;
- Roedd angen i dîm rhanbarthol i fod yn ei le erbyn Mehefin 2020 i reoli achosion clwstwr ac i ddarparu cyngor cyffredinol;
- Roedd yr effaith potensial ar staff y rhaglen y sylweddol oherwydd os byddai unrhyw un yn profi i fod yn bositif, byddai'r siawns fod angen i bob cydweithiwr agos i ynysu am bythefnos, a fyddai'n lleihau'r nifer o staff sydd ar gael yn sylweddol. Nid oedd hyn yn risg ar gyfer iechyd yn unig ond hefyd ar gyfer gofal cymdeithasol a chartrefi gofal.

(iii) Trawsffurfiad Digidol

- Mae cyflymiad sylweddol wedi bod mewn trawsffurfiad digidol wedi bod yn amlwg, er enghraifft mewn modelau clinigol a gweithio o bell;
- Roedd data byw yn cael ei gipio gan staff ar draws y sefydliad oedd yn darparu'r wybodaeth busnes i hysbysu gwneud penderfyniadau;
- Gofynnwyd i bob sefydliad GIG Cymru i ddarparu adlewyrchiadau ar sut mae systemau megis 'Mynychu Unrhyw Le' oedd wedi gweithio ar draws Cymru ar gyfer dadansoddi ei fuddion;
- Nid oedd gweithio arloesol wedi ei gyfyngu i wasanaethau digidol, a byddai'n bwysig i gipio datblygiadau eraill, a oedd yn rhan o'r rhaglen adfer, dysgu ac arloesi.

Cynllun Gweithredol Chwarter Un

Trafodwyd y pwyntiau canlynol:

- Gofynnwyd i bob bwrdd iechyd i gyflwyno cynllun chwarter un i Lywodraeth Cymru o fewn cyfnod byr o amser;
- Cwblhawyd hyn ac roedd o flaen y bwrdd er mwyn ei gadarnhau, er nad oedd disgwyliad y byddai angen cyflwyno drafft pellach;
- Derbyniwyd dau set o adborth gan Llywodraeth Cymru; un lefel uchel a nodwyd arfer da mewn perthynas â'r gweithio mewn partneriaeth a gwasanaethau hanfodol, wedi ei ddilyn gan adborth mwy manwl yn

amlinellu risgiau dichonol ac ardaloedd i ystyried ar gyfer mwy o ddatblygiad;

- Gofynnwyd am ragor o wybodaeth mewn perthynas â gwasanaethau canser yn ogystal ag ardaloedd sydd yn botensial mewn ardaloedd isel mewn Covid.
- Cynlluniwyd cyfarfod adolygu rhwng y bwrdd iechyd a Llywodraeth Cymru ar gyfer yr wythnos ganlynol;
- Byddai angen i gynllun yr ail chwarter i gynnwys canolbwynt ar gynllunio yn ystod y gaeaf;
- Adnabuwyd gorwariant o £23m ar gyfer chwarter un, gan gymryd cyfrif o'r safle diffyg rhagolwg gwreiddiol, llithriad ar wariant a chostau net ychwanegol yn perthynu i Covid-19. Mae trafodaethau wythnosol yn cymryd lle o fewn Llywodraeth Cymru o ran costau'r pandemig;
- Adnabu fod cael ardaloedd rhydd o Covid-19 yn hynod o anodd ac felly byddai adnabod y fath ardaloedd a fyddai'n heriol, megis y rhaglen profio, olrhain ac amddiffyn a fyddai'n sylfaenol o safbwynt gweithredol er mwyn ailddechrau gwasanaethau hanfodol.

Adroddiad Perfformiad

Trafodwyd y pwyntiau canlynol:

- Mae gwasanaethau craidd wedi cael eu 'plygu' yn sylweddol er mwyn cynorthwyo'r ymateb i Covid-19;
- Mae newidiadau ymddygiad sylweddol wedi bod o fewn y boblogaeth wrth iddo addasu i fyw gyda'r pandemig;
- Roeddem wedi cadw'r cipio data ond mewn rhai ardaloedd roedd heb ei ddilysu oherwydd pwyseddau gweithlu;
- Parhaodd mynediad i wasanaethau iechyd meddwl i fod yn dda;
- Roedd newidiadau sylweddol wedi bod yn amlwg o ran gofal heb ei gynllunio, gyda gwelliannau yn y targed arhosiad pedair awr, gydag oediadau trosglwyddo i'r ambiwlans o un awr ac arosiadau o 12 awr. Roedd yna leihad yn y nifer o bobl yn mynychu yn yr adran argyfwng ers dechrau'r canllawiau pellhau cymdeithasol, ond roedd y lefelau yn awr yn dechrau cynyddu;
- Yn nhermau gofal wedi'i gynllunio, er bod maint y rhestrau aros ddim yn tyfu wrth i lai o gyfeiriadau eu derbyn, roedd yr hyd o amser roedd cleifion yn aros amdano yn cynyddu oherwydd llai o wasanaethau;
- Roedd safle tebyg yn amlwg o fewn gwasanaethau canser, gyda llai o gyfeiriadau ond gydag ôl-groniad wedi ei gynyddu;
- Roedd perfformiad gwasanaethau iechyd meddwl plant a'r glasoed (CAMHS) wedi ei leihau fymryn bach a bydd angen ei gadw o dan adolygiad;
- Roedd perfformiad haint o fewn disgwyliadau;

- Roedd y cyfraddau ymateb i bryderon wedi cwmpo ond cwblhawyd y rhan fwyaf ohonynt o fewn y cyfyngiadau;
- Cynyddodd absenoldeb salwch i 7% ond nid oedd hyn yn cynnwys y rheiny oedd yn amddiffyn eraill;
- Roedd y gofal oedd yn cael ei ddarparu yn hynod o wahanol ac roedd yn ymgorffori arloeson ardderchog a fyddai angen ei barhau, ond oedd yna risgiau i'w ystyried ar gyfer y rheiny oedd yn aros ymhellach ar gyfer gofal;
- Roedd yn bwysig i bwysleisio fod y bwrdd iechyd ar agor os oedd pobl ei angen, ac roedd y Cadeirydd a'r Prif Weithredwr yn drafftio llythyr agored i'r cyhoedd gan ddiolch iddynt ar gyfer amddiffyn a chynorthwyo'r bwrdd iechyd, gan osod cynlluniau yn ei le rhag ofn bod ail begwn a beth oedd i'w roi yn ei le ar gyfer gofal wedi'i gynllunio. Roedd angen cynllun am sut i sicrhau y byddai'n cyrraedd pawb oherwydd roedd yn cynnwys y neges y byddai'r bwrdd iechyd yma ar gyfer y bobl os oeddent ei angen.

Adroddiad Ariannol

Trafodwyd y pwyntiau canlynol:

- Gorwariant o £5.396m oedd y safle ar ôl un mis, a ellir ei dorri i lawr i orwariant gweithredol o £2m a gwariant Covid-19 o £3.3m;
- Ail-seiliwyd y cyllidau yn seiliedig ar lefelau cyn-Covid-19 ac roeddent yn tanategu'r trafodaethau gyda Llywodraeth Cymru;
- Roedd Cyfalaf yn bresennol yn rhagweld gorwariant o £9.817m, £7.6m ohono yn perthynu i Covid-19, ond roedd hyn o dan ystyriaeth Llywodraeth Cymru;
- 87.86% oedd y perfformiad yn erbyn targed taliad y sector gyhoeddus oherwydd heriau gweithlu a newidiadau mewn polisi, ond roedd yna uchelgais i wella hyn dros y misoedd i ddod.

Dull i Adfer, Dysgu ac Arloesi

Trafodwyd y pwyntiau canlynol:

- Roedd grŵp cydlynu yn ei le, gyda nifer o lifoedd gwaith amrywiol oddi tannodd, a fwydodd i mewn i'r Grŵp Llywio Adferiad, Dysgu ac Arloesi a gadeiriwyd gan aelod annibynnol. ;
- Parhaodd y trafodaethau yn genedlaethol mewn perthynas ag ailgychwyn gwasanaethau hanfodol ac roedd canllawiau wrthi'n cael eu cyhoeddi;
- Roedd celloedd blaenoriaeth o fewn y bwrdd iechyd yn canolbwyntio ar lawdriniaeth, gan benderfynu sut y gellid trin achosion brys yn ddiogel;
- Roedd diagnosteg canser a llawfeddygaeth yn ffocws allweddol arall;
- Roedd gwaith dan arweiniad clinigol yn cael ei wneud mewn perthynas â chanoli'r cymeriant aciwt i mewn i un pwynt mynediad yn Ysbyty Treforys;
- Roedd angen prosesau cyson ar gyfer derbyn cleifion o ran profi a pharthau gwasanaethau;

- Gwnaeth y dull 'gallu gwneud' a'r newidiadau yr oedd yn rhaid eu gwneud mewn cyfnod byr o amser argraff ar yr aelodau. Roedd yn bwysig peidio â cholli'r rhain i gyd ar ôl i'r pandemig symud ymlaen a dychwelyd yn ôl i ffyrdd blaenorol;
- Nid oedd fformiwla glir ar gyfer sut i ddarparu gwasanaethau hanfodol yn ddiogel yn ystod yr achosion, ond roedd ymgysylltiad clinigol yn hollbwysig, felly roedd grŵp cynghori clinigol wedi'i sefydlu i sicrhau bod dull cyson yn cael ei ddefnyddio yn gyffredinol;
- Dylai ffyrdd arloesol o weithio hefyd fod yn berthnasol i'r bwrdd a defnyddiwyd effeithiolrwydd defnyddio technoleg i fynychu cyfarfodydd fel enghraifft.

Deddf Lefelau Staff Nyrsio (Cymru) 2016

Trafodwyd y pwyntiau canlynol:

- Roedd yr adroddiad yn nodi safbwynt Llywodraeth Cymru o dan yr amgylchiadau eithriadol;
- Roedd dull unwaith-i-Gymru yn cael ei ddefnyddio tuag at staffio mwy diogel gyda systemau a chamau gweithredu ar waith;
- Oherwydd natur y firws, newidiodd llawer o'r wardiau ar draws yr ysbytai eu cylch gwaith a olygai nad oedd y ddeddf bellach yn eu cynnwys. Fodd bynnag, cynhaliwyd gwiriadau dyddiol i sicrhau bod y bwrdd iechyd yn parhau i gydymffurfio a bod staff yn symud yn unol â hynny.

Canfyddiadau'r Paneli Craffu ar gyfer Safonau Iechyd a Gofal

Trafodwyd y pwyntiau canlynol:

- Effeithiodd Covid-19 ar y broses graffu chwarter pedwar;
- Sgoriwyd saith ardal; chwech ar lefel tri ac un ar lefel pedwar;
- Roedd y sefyllfa wedi dirywio o 2018-19 gan fod tri maes wedi gostwng o lefel pedwar, ond roedd yn bwysig cofio bod y dangosyddion perfformiad allweddol yn amrywio bob blwyddyn felly roedd yn anodd tynnu cymariaethau rhwng blynnyddoedd;
- Roedd ffocws sylweddol i'w roi ar 'gadw'n iach'. Byddai hwn yn ddarn allweddol o waith gan fod y bwrdd iechyd nid yn unig â chyfrifoldeb i drin cyflyrau, ond hefyd yn helpu i'w hatal. Roedd cyfle i ganolbwyntio ar iechyd y cyhoedd gan y byddai bellach ar flaen meddwl pobl. Hygyrchedd i drin cyflyrau, ond hefyd yn helpu i'w hatal.

Adroddiadau Materion Allweddol

(i) Pwyllgor Archwilio

Derbyniwyd a nodwyd adroddiad yn nodi trafodaethau allweddol y Pwyllgor Archwilio a gynhaliwyd ym mis Mawrth 2020, a chymeradwywyd y cylch gorchwyl diwygiedig.

(ii) <u>Pwyllgor Ansawdd a Diogelwch</u> Derbyniwyd a nodwyd adroddiad yn nodi trafodaethau allweddol y Pwyllgor Ansawdd a Diogelwch a gynhaliwyd ym mis Mawrth 2020.
Partneriaethau GIG Cymru
Derbyniwyd a nodwyd adroddiad yn darparu diweddariad ar y gwaith i gynllunio, comisiynu a darparu gwasanaethau trwy drefniadau ar y cyd.
Fforwm Partneriaeth Leol
Trafodwyd y pwyntiau canlynol: - Roedd cyfarfodydd yn cael eu cynnal yn wythnosol o ystyried pa mor gyflym yr oedd pethau'n newid yn ystod y pandemig i gwmpasu ystod o bynciau fel PPE, profi a lles staff.
Materion Llywodraethu Corfforaethol
Derbyniwyd a nodwyd adroddiad yn darparu diweddariad ar faterion llywodraethu corfforaethol.
Ymateb i Gwestiynau gan Aelodau'r Cyhoedd
Derbyniwyd cwestiynau gan aelod o'r cyhoedd ond gan eu bod yn ymwneud â gofal claf, ymatebid i'r rhain yn uniongyrchol y tu allan i'r cyfarfod.
Unrhyw Fusnes Arall
Nid oedd unrhyw fusnes pellach a chaewyd y cyfarfod.